

賜

綺

堂

集

賜綺堂集卷六詩目

辛酉報罷謁選將之官楚北

上少司空莫韻亭先生二首

保陽晤孔東山傅金刺史以騎贈行

鄂城雜興十首

就聘入闈偕同徵諸友憩鐵佛寺二首

闈中詠物十一首

藍筆

薦條

藍墨

月舟堂集卷之二

官燭

泥硯

號簿

落卷

硃卷

草榜

食單

闔墨

衡鑒堂分校呈主試秉泉太史桂舟助教二首

桂舟典試席上食蟹

舟次方城二首

宿呂堰驛弔王巡檢二首

有序

寓齋小集同陳最峯

善洪

九疇

範曾

鐵崖

衍東

趙春溪方泰

蔣賓嶠

寅

張晉林

蒲璧

周北堂

楷

七明府作

晴川閣

信陽道中

題南村山人畫梅

將之竟陵屬弟坤餘歸省同宿青蓮庵二首

出郭

嘉慶七年六月初一日鍾祥縣三工隄潰水漫天門之護城隄督居民修築三晝夜始固詩以紀之

觸暑迎謁長官於舟中題僧印池所畫曉風揚柳小頓四首

竟陵雜詩八首

送王耘圃歸石首

謝梅農先生來竟陵會勘被災地畝下鄉

新乞兒

壬戌秋仲始舉一子集賓僚於枕琴堂中作湯餅會

破廟

拙吏歎

題蔡松若明府

振中

秋舫齋詩集卽用集中有

感原韻

赴沔陽同關西園

維紀

明府會勘洲地夜宿古

寺中

安州郭外送茹古香學使按部荆門風急守渡

鸚鵡洲弔禰正平

喻誦嚴廣文

炳

園中薔薇芍藥盛開各賦一律

兼示王鹿苹秀才

汝嘉

二首

鹿蘋秀才既和余看花之作因疊前韻二首

和誦嚴廣文詠薔薇四首

俞稽袁耐亭

鼎

秀才以峯滿樓倡和詩見示

次與南池

鵬

貳尹見懷原韻二首

答錢柳汀

題朱錦堂竹深荷淨圖

巴陵道中

岳陽樓觴月

三閭大夫廟

失路投古廟中

長沙弔賈誼宅

湘靈曲

賜綺堂集卷六

吳苑 詞應甲 鱗飛

詩

辛酉報罷謁選將之官楚北

小事游歷飄泊困儒冠鵬程九萬里欲奮無羽翰公  
車凡十上下第博一官平生欠考試夙負今償完散材  
邊錄用遭逢 恩旨寬從茲入座海前望雲漫漫我昨  
楚中來道路猶探丸筆需事采蘋大府親據鞍書生不  
捲檄何以披心肝吾儕旣假手豈徒免饑寒官卑勿自  
卑政與民乃安民氣能自固賊氣必自殘茫茫六合內

古音誰與彈鉛槧雖已離面目不改觀初階凜終始慎勿隨波瀾回視同林鳥化爲鳳與鸞相逢腰手版慰藉空長嘆儒林與循吏焉能執兩端聽君自位置何必殊  
醜酸

上少司空莫韻亭先生二首

先生經濟比宣公何止清名澈

九重畿輔口碑書大尹兼管京兆尹

帝廷手筆重司空平章海禁量沙減指顧軍容聚米工落落數言闢國計庶幾不愧大臣風

慈雲一片蔭南天回首春風二十年雖換青衫虛羈望

謁選方能趨絳帳總因緣歸携荀叔樓中鵠夢繞成連海  
上船許傍門牆書政事幾時報最副薪傳

保陽晤孔東山傳金刺史以騎贈行

嗟余困塈車顛蹶不知止前程日云暮乃去彼就此東  
山人中豪交誼重桑梓小別逾十年一息竟千里慰余  
塈夙塵勉余執鞭弭問途先已經歷歷爲我指康莊戒  
馳騁初步慎轉徙失路不足憂空羣勿自喜較量德力  
間或者遇知已感君贈策心長鳴從此始

鄂城雜興十首

隔歲江城作寄公綵豪吟遍楚王風重歌牛角愁難和

初畫蛾眉愧未工吹玉僊人聞化鶴采珠神女夢驚鴻  
閒來獨眺南樓月依舊秋光一鏡空

諸公袞袞滯鵠班除秩何年等賦閒進退敢辭腰脚倦  
浮沈不覺鬢毛斑虛階幸綴參端上舊例中以軍功加  
衡未除縣秩者尚多實俸難叨簿尉間多少軍功需次久出山太旦且還

山

博得頭銜榜上懸

同官到省先後榜名公府之壁上官以次差委所以示公也

也分

盧後與王前臺參或恐臨時誤院本須防特地傳偶坐

有興聊復爾頻登手版總茫然年來長揖軍門慣此後

雙足學鷺拳

庚申泊遊於楚當事者援而止之接以士相見之禮今爲下吏不得再竄東閭矣

長鍊從今亦漫彈相逢楚客對南冠斷無風骨因人熱  
尙有永心耐歲寒門館麤材饒鳩舌賓僚高會費猪肝  
滔滔江漢波瀾濶要覓中流砥柱看

煙雲過眼易模糊塵海茫茫意轉孤英鵬怕澆江夏酒

黃祖  
於英  
鵬洲  
補衡

嘉魚飽就武昌厨風承藍縷人衣褐日近

繁華賈履珠亮有同心安憇幅漫將輿服比南都

卧聞鼈鼓與雞聲急起披衣坐嚮明道去長班遲送信  
薦來新僕強呼名仙壇佛宇頻流寓猛雨盲風苦送迎

策馬曾  
崖徒行方  
柳湖

人莫笑

聖朝崇儉勵寅清

一紙軍需出鄧州星馳電掣敢稽留催花有令如傳箭行李無費尚借籌判斷疑難緣假手奏銷撥遣各分頭應憐幕府書三上細楷蟬聯擋筆愁

縣丞經歷與州同爪代紛紛八月中接印官如蛇赴壑入簾人是鳥投籠時就聘入闈諸君從事無多日我輩論文有素風須記三春纔報罷蔚藍天外淚花紅

風塵猝合漆投膠可許論心祇素交平地樓臺難近水高枝燕雀不同巢零星柴米從頭算酬應詩文轉眼拋頽詠之詞索者頗多不得已而強應之要非意所樂爲深以爲苦敢說讀書如讀律法

言舉竟要推敲

挂帆須想卸帆時莫笑新鶯振羽遲  
幕局偶然分冷暖非由從此判公私  
江湘襟帶荊州城優孟衣冠令尹遺  
試向秋風問桃李有誰紅到出牆枝

就聘入閩偕同徵諸友憇鐵佛寺二首

寂寥禪堂裡停軒小住佳龕無僧入定廚有鳥投齋几榻參差設房櫳宛轉排翻憐朋試日聯袂盡同儕  
魚鑰重關閉邏兵聚柝嚴從頭親筆硯計口辦壺鹽兩氣涼生簾秋光澹入簾熾花同蘚落我佛可能拈

閩中詠物十一首

楊朱墨子本無緣白眼相看枉自憐惱我年來捺不律

罪風吹下蔚藍天

藍筆

小字蠶眠署一行水銜尚未綰銅章三春舉子秋同考  
自檢陳編認本房

薦條

博得虛封等墨侯藍田片玉有誰收青青半出先生手  
更勿磨人到白頭

藍墨

碧油幢下坐深宵分得金蓮一炬燒記向風檐聽鼓吹  
淚花紅影送三條

官燭

天然稜角未消融須向他山借石攻爾姓本來甘守黑  
漫將淪落訴泥丸

泥硯

文字因緣注籍初暗中編次辨蟲魚分明得失文昌定

不比登除向簿書號薄

茫茫苦海恨難勝路隔仙凡喚不磨那得返魂香一縷  
他年拔宅共飛昇

落韻

仙字曾教脈望餐好從勾漏乞金丹卷中光燄難消去  
心血模糊半未乾

硃卷

王前盧後費安排草草功名遇合乖已到仙山風引去  
十年榜上苦沉埋

草榜 己酉庚戌兩試春官皆於填  
草榜時點落

公膳無多亦濫叨堂餐先進次分曹只愁書味消磨盡  
枵腹居然學老饕

食單

料應紙貴洛陽城刻楮三年一葉成慎莫斤斤求墨守

周易 卷之二

更將中訣誤經生

關學

衡鑾堂分校呈主試  
渠泉太史桂舟助教二首  
魁斗星芒翼次聯才名同紀 御屏前

先朝實錄蘭臺筆太學鴻文石鼓篇公等仙山登絕頂  
吾儕塵海望無邊青衫席帽重回首夢入西風十四年  
采珠須向楚江頭光氣居然燭斗牛傳鉢幾人聯憲榜  
題襟許我上蘭舟官場蹤跡雲泥隔文字因緣水石投  
不敢狂言驚四座筆花秃盡綵豪收

附和作

施

杓

琴泉

楊鑣弱冠許相聯我自趨塵君自前朱氏淵源言氏

學

宋婺源  
簡江蘇

洛京聲價

帝京篇

先滑豫  
後入京

因憐西子來

湖上

往歲  
游斯

又愛南樓到月邊

年來

客楚天使爲官舊游地

好修縣譜趁華年

秋堂逼近鳳山頭目內全無十二牛筐載六星方入

座

第六分房適珊瑚

一網已盈舟

房中得卷甚多

應教結綠聲名

長不忘雌黃臭味投爲報壽護添喜色鯉庭桃李此

初收

附同作

陸開榮桂舟

楚江相見便歡然知有前生翰墨緣笑我吟懷頽入  
座羨君才筆大於椽能擇月旦文非命不染風塵史

亦仙却喜斯堂同翦燭一時難得四同年

兼謂施某  
周太史周

明北堂

昔聞王粲舊登樓此日携家足宦遊荆楚歲時猶待  
紀河陽桃李已先收文章豈藉科名重氣味仍須沈  
澀投憶否當年南北試西風眊眊苦吟秋

桂舟典試席上食蟹

燭花搖影氷壺懸持螯呼我飛觥船先生論文如飲酒  
詞源倒傾萬斛泉醞釀深厚去糟粕中有真味求其全  
朱衣猶是雙白璧何況入洛人爭傳諸生經史置高閣  
那得考訂蟲魚篇蜡蟀難免學士笑彭蜞不問爾雅箋

我欲因之作蟹志百家小說驅風煙金陵手研拍瓊腋  
先試九月花臍圓性寒漉以薑汁辣味辛佐以蘆芽鮮  
座中周子北堂與方叔柳湖老饕意氣凌坡仙沔南刺  
史華蕭致蟹爲葉復齋刺史所餽輪囷大東馳霜天監州於我苦  
難乞耳聞郭索先流涎吾聞蟹肥資穀氣此物往往占  
豐年江湘千里皆澤國蠶珠魚蛤饒荆川年來軍旅漸  
休息犁鋤歸耕原上田稻花旣熟燈影聚爬沙鷺取雙  
螯堅脂膏充滿始珍食不用珊瑚求諸淵文章橫行須  
有本中空其腹何爲然先生論文如嗜蟹似蟹非蟹寧  
棄捐吳楓秋老漁莊連蟹不上斷不計錢挂帆擬趁西

風便終日醉倒茱萸筵

舟次方城二首

莽莽平蕪夕照開襄流曲折抱城迴將軍空墮千秋淚

羊公墮淚碑  
在峴山之麓

名士羞稱百里才

郭外有龐士元故里

捲地朔風疑

鼓角隔江殘燒見樓臺虎符西下金鏡奏不用書生草

檄來

平生心跡半依劉薄宦依然橐筆遊顧曲周郎

紫函少府同

擊節懷歸王粲

竹坪判官

倦登樓南衙永鏡無雙目大府牙

旗最上頭

時隨嚴訪韻案始謁見大府

那得蓬窓清夢穩此時聚米

爾特書

宿呂堰驛弔王巡檢二首

有序

巡檢王君翼孫號聽夫江蘇長洲人也嘉慶  
元年三月廿九日死呂堰之難事聞

天語褒之

賜祭奠入祀昭忠祠卹授雲騎尉世職巡

檢之兄鐵夫旣書行實俾卿大夫士之能文

章者援筆以紀其事哀而錄之而余卒無一

言繖簡末以聽夫與余交最久哀聽夫之死

執筆泣然久而弗得後五年服官於楚以事

過呂堰求所謂大橋罵賊之所身履其地乃

酌酒焚詩以哭之

戰袍碧血化山邱

遺衣墓於楞伽山下余猶及見之

又過襄陽弔舊遊

交重三荆逾廿載

識令兄鐵夫令弟約夫皆二十年矣

官卑九品已千秋

飛難食肉軍符掣死肯留皮

國史求畢竟忠魂敦至

性隔宵殘夢話鄉愁

先一久示夢詢家事甚詳以余昨歲方自里中來楚曾見鐵夫於華

亭學舍故也

酌酒長橋淚滿裾誅君遲至五年餘

夢中語

蕭條柳色詩

中識

聽夫前從塞上和余詩

鬱勃河流紙上書

臨危猶

上書大

府待援

生氣還能褫驛騎

驛卒牽馬至祠前踐溺忽顚蹶自陳哀乞乃免

糜身那

得塋江魚

死於戰非死於溺也

年來此地煙塵遠風捲靈旗爲掃

除

禹齋小集同陳最峰

善洪

九疇

範

曾鐵崖

衍東

周北堂

怡

趙春溪

方泰

蔣賓嶠

寅

張晉林

蒲蠻

周北堂

怡

七明府作

嚮晨趨南衙，迴車日過午。  
偶然簿領閒一尊，嘯儻侶入室。  
羅盤餐雜坐，忘賓主。  
太邱靜者徒恂恂，如老女拍肩。  
友洪崖，翩然一鶴舉。  
鐵崖書畫禪，奇筆頗自許。  
當杯傲師雄，轟飲門兩虎。  
同官三同年，里門交蔣詡。  
素心結道契，握手傾肺腑。  
紀宜州隔風雨，蒼茫塵網中。  
屈指幾人數，吾儕困資格。  
一官未易補，囊槧待張綱。  
伐柯須假斧，端居談黃農。

空言命卓魯朝來綰銅墨意氣漸消沮吉雲湧法幢怒  
雷碎飛杵此中無定力俯仰徒自苦側聞古賢豪先後  
鎮荆楚至今擁牙旗陶庾開大府孟嘉小異人安知不  
遇褚公等軼羣才及時修縣譜寧樸而無華守拙勝巧  
取寧安而毋躁噉蔗先蘿茹非敢違俗情要當審自處  
相期各努力得失爭寸黍余也願執鞭後塵邁步武三  
爵各類然間雞又起舞

曉川閣

一鶴隔江去長川終古曉西風吹木葉秋氣逼山城帆  
展雲如拭樓空月有聲年年客憑眺何用我題名

信陽道中

傍山城郭與雲連  
南下雙輪到此懸  
風俗舊沿申子國  
詩名誰弔貌姑仙  
城北有何大復故里  
疆分全楚河流曲  
天壓中州樹影圓  
琨瑛濟川無妙術  
鑑教津吏索金錢

題南村山人畫梅

南村家住黃山中  
畫梅如畫黃山松  
松根化石石皮皴  
梅稍屈鐵鐵花繡  
山中一夜春風來  
千樹萬樹梅花開  
茫茫雲海幻雪海  
冷香凍作瓊瑤臺  
梅花招我跨黃鶴  
玉笛聲中倚江閣  
學士才名比雪清  
徵君練筆如花落  
於武昌試院  
有此書作雙枝灑酒出風塵  
想見含毫寫意真  
尺幅

橫陳尋丈勢枯樁進作十分春春風滿幅家山畫移向  
江城作佳話此畫流傳過漢陽江郎夢裡自收藏廿年  
不見南村面我但梅花兩鬢蒼

將之竟陵屬弟坤餘歸省同宿青蓮庵二首

虛堂龕影現青蓮擬把名心問老禪宦海遠憑帆脚穩  
僧寮低結樹根圓傍城樓勢如山湧入座湖光有鏡懸  
別夢便從今日起對牀風雨不成眠

魚箋迢遞慰高堂初入風塵鬢已蒼寄我鄉心分一羽  
待君家政共三商長途迎養先歸省獨客行期緩束裝  
謠取松楸無恙否燈前早盼尺書將

出郭

出郭不知遠微涼吹柳絲重湖圓鏡合一塔上燈遲鷗  
野宜同夢蟬清許和詩翻因戴星瘁暫與簿書離

嘉慶七年六月初一日鍾祥縣三工堤潰水漫  
天門之護城堤督居民修築三晝夜始固詩以  
紀之

竟陵古澤國三面川溶溶襄流匯郢水西北當其衝賴  
此鍾堤固俯瞰如乘墉大河繞其南綿亘雙飛虹牛蹄  
間通順支派何龐洪永隆溯京邑環城折而東垸堤百  
六區版築羣趨公聽民自爲理令甲頒三冬堤身如病

廢誤於醫者庸下車屆春仲民力歸田功况兼沔河淤  
阻塞由鄰封根本不堅固血脉難疏通有時鹽其膾必  
至洞其胸高原與低堰大半產木橦雖爲販夫利未免  
妨我農奈何鍾堤潰一決不可壅青天震霹靂黑夜飛  
蛟龍自頂灌至足其勢來何洶人聲與水沸萬鼓喧鼙  
鼙城高堤影落一纜牽艤艤命乃民命民溺官溺同  
大呼奮袂起先赴洪波中波搖隄脚動輿蓋如飄蓬官  
民同一命相顧不改容堤長七八里頃刻山從隄終賴  
蚩蚩者能遏水之鋒畚築三晝夜始免橫流攻城隄雖  
已固垸堤還被冲聚者若浮鴨散者同游蜂綰符末三

月此厄道我逢編船更設櫃拯急心忡忡餓糧先給散  
老稚兼疚癃嗟我竟陵人或恐成哀鴻救災苦無術首  
緩錢漕供願言告長吏定當達

九重

觸暑迎謁長官於舟中題僧印池所畫曉風楊

柳小幀四首

愁條無力翦橫波眼底風光一霎過空向山僧摹舊稿  
鬢絲還比柳絲多

一天離緒隔春江便擬乘潮喚畫艤唱到屯田新樂府  
酒醒殘月落蓬窓

嫩黃蘸水漸生梯早向關山送馬蹄寄語東風莫吹起  
此花如雪怕沾泥

一例風前學折腰何須分別短長條先生頗有蕭疎意  
莫把濃煙着色描

竟陵雜詩八首

初綰銅章到柘城吳天煙月倍關情三年假手談何易

前官以採銅赴滇

五夜捫心學未成新婦羹湯難識性

初謁郡伯前

賢琴譜敢希聲

鄉先輩胡君名翼者頤其堂曰枕琴

出山還飲山中水

陸

升空餘一勺清

陸羽泉在城北文學泉也

訟庭斜倚女牆邊不放青山到眼前我輩讀書如讀律

官聲防口甚防川草廬何處尋桑苧花縣於今種木棉  
爲愛湖西風景好繞城荷葉已田田

琴堂人散當書堂訟牒閒時覓匆忙難得衙官兼屈宋

吳南池貳尹工詩

先收國士在門牆

馬生鈞光辛酉分房所得士也

重新學校

逢丁日

學宮大成殿始落成

特祀文昌位與方

初建文昌祠於東門外

誰衍

竟陵詩派寂寒河

落日弔荒莊

謂家院在縣西二十里卽寒河故居

瀨年積牘易蹉跎莫任煙雲轉眼過早結案情勤補過

緩徵國賦拙催科刑書當爲殘黎減刀筆終防小吏多

欲問塗人先自問不須適野採輿歌

長汀乾驛櫂能移岳口江空去鳥遜小市帘挑人抱布

殘燈帆卸客彈絲五華雲氣新晴出三澨河流古注疑  
三澨水名鄭元劉潛皆指竟陵縣界而水經又言在南  
郡卽縣之北卽故城在今宜城縣東北去竟益遠考史  
記索隱曰今竟陵有三參水俗云是三澨水明承天府  
志以司馬河爲一澨馬溪河爲一澨石家河爲一澨自  
京山合流人竟陵界謂之三汊水當卽索隱所謂三參  
者今三汊河尚在縣西二十里而縣志不分三澨第云  
在漢濱之間且引水經據左傳句澨漳澨雍澨爲證然  
則蓬澨又將誰屬魯鐸所記乃以三澨在縣南亦不辨  
其何者爲三王春秋郢襄二水泛溢議者水道分明徵舊  
欲開三澨引南水北注余故力排其說水道分明徵舊  
史豈容穿鑿語支離

西望岡陵勢鬱紆人家落落負山居半龕宿火宵投寺  
十里炊煙曉趁墟野處衣冠真僕古蔓生花藥不刪除  
東南文物差相勝半買犁鋤半買書

地控荆襄水陸通兩頭置驛太匆匆往來傳舍無虛日  
迎送高軒拜下風時因襄河水漲大府往來被勘者旁數次並驗黃沙查家兩院堤工石撥解軍需同寅郵政強和衷負山力  
已輸鰥背漫許當官意氣雄

襄流橫決下重霄一線長虹影動搖散盡朱提難博濟  
捧來丹詔免征徭年荒始見民風古官苦能令謗牘消百里偏隅成澤國鍾隴早築慰鷁鶴時鍾邑之三工限尙未築就因徒澤畔之民於高阜居之

送王耘圃歸石首

長安十載別竟陵十日留老友如弟兄絮絮語不休憫

余戴星瘁慰余履冰憂君才余不逮一官等浮漚君詩  
余好和五字如推軸飄然一笠去與僧打包游聞君營  
別墅石華地頗幽於焉拋手版百城擁諸侯此願如可  
遂吾儕復焉求山中梅破臘許我還拏舟爲君掃榻待  
釀酒香浮甌君歸無久滯吾詩待君酬

附原作

王循

耘圃

一別渺難卽十年今見之相看同老大深語各淒其  
試吏應非偶踐言欣在斯讀書有真得當境復奚疑  
到縣暫相訊輿論聽頗真夫家知役省比戶悉官貧  
畚插連星月壺觴逮井鄰金錢捐已盡不忍及吾民

防汛焦心久將秋閟雨勤吏忙清滯誠官瘦損勞筋人自歌揚水關猶護慶雲一犁新雨後冕軒看耕耘對景憶陳迹偷閒坐晚涼英風消俊偉靜氣靄循良我已懷孤躅君今協衆望不須感離聚就此訂行藏

謝梅農先生來竟陵會勘被灾地畝

南學春風侍講壇余肄業成均先生時經爲國子師得問業焉惟十載去長安官階黃廡三遷易詩格青山五字難驚見哀鴻唳澤畔敢同倦鳥息林端催科一事平生拙先乞停徵慰里

團里竟俗以團分蓋方言也

下鄉

彈丸水中央一角枕林麓岡陵到此竟高岸即爲谷郢  
襄决上游平原作溝瀆官隄督民修私隄聽民築豪彊  
利積淤瘠土轉爲沃藉詞待疏消施功故瑟縮曲防各  
爲私往往滋怨讐貧家擔石無還望補種稑坐視秋漲  
來其勢日窮蹙履勘無遁情遑計詛與祝縣符催里胥  
適足擾鄉曲小吏善舞文搆弄一猴沐平生戒奔走遇  
此輒微服出郭自呼舟隨行屏輿僕駕言就招提抽帆  
如轉轂舟人尙未知誰得耳而目一日歷數鄉見聞必  
手錄豈惟疾苦諳卽此勝披牘每到水窮時捨舟便從  
陸炊煙辨村墟迷徑問樵牧中有龐眉叟揖我入破屋

客從遠方來無乃販新穀入夏水漂流十戶九不足豈  
無蓋藏家尙有隔年蓄激勸由鄰圃邑有三百圃六十圃鄉里共

敷睦減糴量米珠老弱爭一掬往歲常屢豐掠食若鷹  
啄今雖困饑寒開門無犬噭頗聞縣官貧捐錢還散粟  
吾儕免流離相與守邦族盼到麥苗齊情願賣黃犢聞  
言三嘆息相對轉慙恧其人非椎魯其詞頗質樸從來  
官與民真意相聯屬死徙無出鄉於此厚風俗庶幾轉  
豐年民氣漸可復

### 新乞兒

荆南道傍新乞兒吞聲嗚咽前致詞自言舊籍長沙卒

二十從軍少壯時當年瀘水煙塵沸花苗蠶動犁鋤棄  
身雖卑賤筋骨強得到戰場方快意戰場賊來同亂鴉  
爭先截殺如芟麻大小百戰那知死刃缺矢窮心不諱  
忽逢飛鏃傷一目再爲礮石斷一足目傷足斷氣未銷  
馬上猶能奮馳逐大軍奏捷班戎行幕府點名重過堂  
完膚壯丁皆選入老弱殘廢難充當令嚴法正不得語  
繳還甲仗出軍伍足傷非馬行不前何以爲農與爲賈  
蹇投古廟欷寒煙寶刀已鈍難質錢鄉邑無家歸不得  
營門舊侶誰相憐途窮無計學求乞一餅一糜度終日  
髀肉作瘡力漸微夜聽髑髏呼伴急賤卒雖死何足哀

同征將校書麟臺

壬戌秋仲始舉一子集賓僚於枕琴堂中作湯餅會

生兒如決科屢試乃不中精力與文章兩者皆無用行年四十餘熊占初入夢荔枝本側生記取隔年種黃犧產天門居然侈天送阿耶八月中一輪蟾魄共此時劬劬勞喜極還滋恫祿養弗及待含飴未曾弄吾親在九原太息語我仲老妻騷啼聲焚香默禱頑強余張餅筵二日醵清俸賓僚十數人半未引離鳳弄瓦不弄璋得失較輕重譬遇賢有司雖薦而不肯屢蹶仍屢試未必

終屢空我今奏先聲努力告大衆

破廟

破廟深山裡靈旗卷暮秋田荒村覘散門掩土神愁斷  
壁緣鼯鼴寒燈拜觸體虛堂風瑟瑟過客不堪留

拙吏歎

作吏不俗負所學作吏不巧無所託巧以濟俗術乃精  
俗能生巧名乃成不見能吏氣如虎車馬煌煌衣楚楚  
簿書勾牒未躬親語言工於文墨舞供張迎送到遠方  
求民之瘼且未遑要從奔走見肆應豈知撫字需循良  
歸來燒燭讌賓客奏箏趙瑟陳兩廂銀鑪階下待判決

以手揮去同牛羊不見廉吏安幅此心馳騷身局促  
夏蟲却扇憒語永秋鷹脫韁偶食肉權衡得失在重輕  
明明設薤暗致粟私恩小惠及吏胥頗能邀譽播鄉曲  
居然盛氣坐堂皇忝然德色形面目轉笑參觀五聽迂  
不顧此中有疑獄嗟爾廉能衆所知爾巧無乃爾獨私  
官民相見有真意奈何作僞徒自欺書生簪俗不解事  
當官肯負平生志伐毛洗髓更十年不爲拙吏爲巧吏

題蔡松若明府振中秋舫齋詩集卽用集中有

感原韻

凌雲健筆勢巖堯碧樹交枝苗翠苕百里才名詩共老

三遷宦蹟客同儔出祁陽雲夢  
三遷至郢中仙山有路迴風引甫鷹  
卓薦  
例有塵海無邊落葉飄擬借舟齋同擊楫吟聲好答櫂歌遙

赴沔陽同開西園維紀明府會勘洲地夜宿古

寺中

隔夜郵書到竟陵一鞭冒雪戒晨興無人望氣知關尹

西園先期微服而來駕舟履勘得實州人尙未知也有客停裝問寺僧閑過滄桑

同止水坐來蒲褐擁寒燈七年病牘從今結莫謂投艱力不勝前官奉檄履勘案懸莫定今  
西園至而兩地之民無異詞

安州郭外送茹古香學使按部荆門風急守渡

水上旌旗曉霧闊仙舟相望隔蓬萊能敷化雨銷兵甲  
却許閒雲戴斗魁白雪陽春傳法曲羣山萬壑選雄才  
公身已到金鰲頂不借天風鼓棹來

鸚鵡洲弔禫正平

長江滾滾浪成堆何處招尋土一坯小鳥能言終賈禍  
羣姦欲殺勝憐才怒濤拍岸如聞鼓奇氣當筵漫舉杯  
留與千秋作憑弔不將名刺沒蒿萊

喻誦岩廣文炳園中薔薇芍藥盛開各賦一律

兼示王鹿苹秀才汝嘉二首

浪種河陽桃李花霞華朝浣到吾家碧斟桑落三盃淺

主人以桑椹  
釀酒沃花

紅架薔薇一角斜掃徑泥香融燕壘撲簾

雨點散蜂衙扶風帳後無絲竹故遣濃妝侍絳紗

一枝頑豔破晴煙似否豐臺四月天古巷停車招近客

荒園移石記平泉

詒岩徙山石於中庭將葺舊圃爲我園丐余爲文以記之

別來持

贈休嫌晚閱過繁華

不占先留住餘春同愛護帶圍難

綰省巾倦

鹿苹秀才旣和余看花之作因疊前韻二首

郎君綵筆夢生花門巷烏衣本舊家紅雨隔簾詩思豔  
青衫潑墨酒痕斜下帷還掃羊求逕結社兼開屈宋衙  
疊就雙聲重付與幾番旅壁自籠紗

五羊城隔五溪煙海鏡樓高水接天秀才將省其尊甫  
蜀江同年於新安  
任萬里桄榔消瘴雨一年桑苧酌寒泉塞來蘭玉含香  
早盼到驛鵝得路先好趁東風探聞苑花前人看大羅

仙

和誦岩廣文詠薔薇四首

不辨深叢與淺叢短牆缺處飄香風分明妙手徐熙畫  
粉本鈎成半幅紅

時世爭誇倚市妝誰從葉底捉迷藏千金倘買人間笑  
一角牆陰是看場

百里河陽試一雞浣花歸夢草堂西翦除棘刺渾難事

莫任酴醿到眼迷

幾回桃李鬥芳春，輸爾繁華步後塵。  
莫笑廣文官獨冷，絳紗中有賜絛人。

會稽袁耐亭

鼎秀才以峰滿樓倡和詩見示

衡門歸卧羨袁安，訪我江城草閣寒。  
正擬抽帆尋秘監，可能觴月泛郎官。  
余僑寓漢陰郎官湖蓋李白觴月之處

樓從高處登峰易，詩向空中着筆難。  
水竹山花生妙悟，白描留作畫圖。

看  
卷中以水痕山色  
竹聲花意標題

次吳南池鵬貳尹見懷原韻二首

岳江淼淼隔清塵，蘭自孤芳桂自香。  
吾術未工甘守拙，

自池書來乞余  
書所作拙皮嘆君詩已富  
恥言貧難強肩荷限防重不  
負頭銜水利真王秋襄流橫決竟陵破灾余方搶築護  
在工興民大共勞苦記送仙舟挂帆去更誰江館訪餘春

隔年衣浣軟紅塵嚼蠟分嘗宦味辛

南池於癸春奉差採蠟

交到

下場爭氣節官如流寓副清貧也知優孟衣冠易難得  
匡廬面目真賴有南陽劉子驥萬莊采雲先捧座生春

答錢柳汀

落葉驚秋問訊疎雀羅門外客停車未除猶性難爲宰  
欲憊虛名再讀書鄰有荒園調病鶴人從涸轍索枯魚  
多君賦罷湘靈瑟絃外餘音獨契余

題朱錦堂竹深荷淨圖

竹聲戛戛玉荷珠濺欲雨不雨風滿船科頭箕踞此間坐  
不衫不履人中仙竟陵三面皆澤國環城湖水清且漣  
東西竹院擅幽勝我來蓮葉何田田風香露響想入夢  
雪既待試山中泉豈知堤崩襄郢決頃刻屋角波濤旋  
戴星觸暑苦奔走那得白羽搖翩翩須臾水退始安堵  
旱魃爲虐驅風煙遙天無雲日當午揮汗成雨求諸淵  
殘荷卷葉竹枯死招涼何處張氷筵觀君作圖意頗妬  
此樂無乃君獨偏畫橋西望柳陰直枯槔無聲嘶暮蟬  
琴囊書卷遠携送客散高枕羲皇眠惜哉無人同雪藕

未免獨坐成枯禪吾家草堂屋數椽種花四畝芙蓉鮮  
歸帆難得西風便結鄰笑拍洪崖局莫厘峯高飄渺渺  
三萬六頃湖光圓坐消長夏如長年

巴陵道中

雪後巴陵驛路長東來山色鬱蒼蒼狂松似笑湖波落  
故作濤聲撼岳陽

岳陽樓觴月

平蕪渺渺月娟娟千里湖山到眼前一口風雲吞大澤  
兩頭煙樹鎖長天光陰終古如朝夕憂樂何人計後先  
我欲夢中聞廣樂下樓還就酒家眠

三閭大夫廟

楚國詩亡後天生屈大夫離騷緣彼美好色豈吾徒魚  
腹書終達蛾眉計已麤何須問詹尹未必是窮途

失路投古廟中

野氣沉空山山深見虎跡力疲心易驚急投古廟息解  
裝據版扉燒燈挂土壁腸空轉轆轤爇薪覓香積破竈  
無釜炊瓦盆水涓滴一僧瘦於猱裹衲枕階石聞呼起  
跼蹐以手加額瞿然跪致詞語罷轉戚戚此廟神不  
栖祇緣郵市隅田荒龕火虛託鉢久無益自悔昧夙因  
忍餓不圖寂出山二十里米珠方可易謂客勿佈金綰

地少法力謂客必裹餧齋衆大功德聞言心惻然我亦  
饑驅迫倘非日云暮去此已他適山中一飯難何必分  
儒釋明發指迷途努力須飽喫

長沙弔賈誼宅

太傅祠堂近市廛豐碑猶自卧荒煙蒼生未免虛前席  
青史何曾屈少年舊將君臣逾骨月諸王賓客儼神僊  
治安有策終無策才筆還憑鵬賦傳

湘靈曲

夢中聽奏湘靈曲二十四絃聲戛玉曉來洗眼看湘山  
一痕眉涴江心綠江心水咽淚眼枯竹根化石石望夫

女郎祠外啼鷗鷗  
欲雨不雨天模糊  
我向湘陰城下過  
村女如雲不知數  
山花滿頭來賽神  
朝迎神歸暮送神  
之歸兮山有情  
神之去兮江無聲  
湘帆九曲如腸轉  
風卷靈旗吹不遠

賜綺堂集卷七詩目

讀先文憲公詩集

有序

題族祖養沉公墨蹟

笑月庵題壁七首

題人秋聲圖

題人攜幼入室圖

題畫

鐵夫書來以所著淵雅堂集見寄爲題長句報

之

壘小石爲盆山頗有生趣作此詩以示吾弟崑

漁

題友人盛松舟立雪圖

張桓侯廟夢中作

初至高安八首

鳴鳳山去郭西數里巖谷幽險暇日登之

迎春詞四首

羅漢峪

回馬坡

苦竹坡

由魚鱗溪入山巖壑險絕作詩寄內四首

小除前一日止宿山家二首

白士坪

高安除夕飲賓僚於可耐軒中二首

松舟以所畫廉石圖見贈

乞陸蔭堂盆竹二首

鬼谷洞去青溪十里雲夢山中相傳爲鬼谷子  
講易處邑志謂郭璞詩中青溪千餘仞巾有一  
道士卽其地也

松舟將赴彝陵招同趙芳田李藹人飲餞可耐  
軒中二首

青溪寺

鄰牆紅杏著花二首

止園雜憶詩二十首

有序

種櫻桃一株著花頗妍二首

鹿苑寺

蠶叢

課桑

昇陵總戎招游三游洞

錢武肅王鐵券歌用宋文憲韻

爲人題大樗圖

爲人顙囊琴執拂圖

賜綺堂集卷七

吳苑 詒應甲 鮚飛

詩

讀先文憲公詩集

有序

應甲垂髫鼓篋先君子手一編出示曰此吾家先尚書文憲公詩同遺詩汝受而讀之學爲韻語應甲謹誌今三十餘年流浪風塵弗克自振何以嗣宗風而承先澤耶展卷悚然

作此詩

勝代雲煙筆底收豈徒詞藻壓瀛洲能開生面追誠許

祇有孤心結宋劉

集中多與劉誠意伯  
宋學士倡酬之作

清白傳家餘昔

公起自學官歷吏部尚書明史紀

太祖語廷臣曰詹同清白吏也

丹黃和淚滴松楸

宗風弗振虛庭對少日兒童又白頭

題族祖養沉公墨蹟

吾宗盛文藻公書尤淋漓

呂詹氏世居婺源自希元公  
以下代有書家故公書尤卓

絕想當嵩萊闢挺出筆一枝

婺源人國朝膺  
選者自公始也

瘦硬有

骨氣婉妍無柔姿槐廳夢茅屋寫入秋風詩所書乃杜

陵風捲屋萬間廣廈此意誰能知荒莊徒感舊我生見公遲

笑月庵題壁七首

集鳬飛去又飛還寂寂招提早閉關我有殘鐘江上夢

與君翦燭話寒山

寺僧寒山祖知翰墨

一角僧樓倚女牆停裝小住薜蘿房楓林何處無霜葉  
難得湖西近夕陽

蔬筍山厨自飽餐怕教良友累猪肝東坡生喫黃州肉

不及先生苜蓿盤

誦岩廣文時有殺蒸之饋且致粟焉

文學亭荒吊夕煙井花半帶土花鮮輒蠶纏斷苔侵石

誰辨廉泉與盜泉

文學井卽陸羽煎茶處今頽廢泉亦爲衆流所汙

題箋終日墨磨人惜別臨岐手迹新要與湘亭參指法

筆花秃處見天眞

諸君各以箋素乞書

落日西風古雁橋遲君不上木蘭橈

諸文學以余留憩庵中聯袂而來相

約泛湖爲  
風所阻

憑誰畫出蒼茫意畱與梅花伴寂寥

寒山又號梅伯

茫茫塵海夢無憑定後風波百感增只有虛名難懺悔  
幾時分課半龕燈

題人秋聲圖

米家山子歐家屋中有秋聲起林麓一聲併作千萬聲  
汪倫運筆如風速秋光一片秋山高當杯氣與秋風豪  
何不秋江天明月却來秋壑唶寒濤吾家茆屋書聲裡  
衡宇相望僅尺咫山中有人同洗耳秋來買棹當歸矣

題人攜幼入室圖

室中無雜賓有酒只獨酌高士出南州古心亦古貌柴

關松竹陰翩然携一鶴陳蕃榻上來陶令山中約秋風  
胡不歸此圖諷我作

題畫

古松之下碧磽之濱空山結茆誰與比隣有琴可撫有  
鹿可馴風塵外物羲皇上人

鐵夫書來以所著淵雅堂集見寄爲題長句報  
之

有筆一枝如寸鐵試於有司同見黜鐵夫錚錚百不折  
五十卷書才氣泄小儒讀之口結舌乾隆嘉慶文爲烈  
當代作者多豪傑力向古人爭一席餘子紛紛盡辟易

空江煙水散人迹

時方上講  
樂儀書院

中朝掌故書生述

集中有  
應奉稿

六卷爲館閣詔  
公假手之作此集千秋志已畢及身定之可自心平  
生堅白任磨涅識君廿年重氣節書來憫余困涸轍一

官違俗慮顛蹶吾官未鑄集已鋟集成待君正其失君  
營生擴手書碣鐵夫與墨渠夫人營壽藏於  
於楞伽山下自書其碣漚波亭下誓  
同穴同年雖老才未竭吾序亟求皇甫謐

壘小石爲盆山頗有生趣作此詩以示吾弟崑

漁

好山如畫圖笠鞋看之熟畫山藝未工爲山力不勗何  
如小盆山生趣一拳綠階前青琅玕一一手親刷碎石

磨其牙塊石洞其腹嵌空出玲瓏平遠峙紆曲一峰兀  
中央蒼然獨者蜀其下小坡陀窈窕隱深谷杯泉活寸  
魚吞影上瘦竹虬枝結秋蚓勢若不屈伏如何萬里心  
到此便拘束譬彼頑草書寫入拓本縮吾弟楷法工蠅  
頭頗殊俗要從豪宕中變化守邊幅對此勝臨池油然  
新意足

題友人盛松舟立雪圖

此心如松胸有竹以松爲舟竹爲屋論交祇友花中魁  
山陰道上春風來空山流水不知處猩衣鶴氅翩然住  
漢陽雲樹夢晴川玉邃吹殘雪滿船偏厭繁華耽寂寥

尋山許我開東閣

樹舟出漢陽後硯高安就萬山之中不以此間爲寂寞余我亦年

來耐冷官歲寒倘結平生懽

一襟清氣同心賞

百里寒

光放眼看高安山色如螺黛可惜無梅點蒼靄與君着

屐雪中探不遇花時亦良快從今添我入此圖

雪花千

樹酒百壺主客相忘花大笑浦闊坐擁紅韞

榆

張桓侯廟夢中作

賢侯吏治應風雲寧論桓桓戰伐勲當路幾人知令尹  
空山無酒酌將軍陣圖易叱雷霆走信史難憑蜀魏分  
欲補殘碑愁筆弱借公矛馬騁雄文

初至高安八首

雲白斜穿徑山青不入城。華泉虛縮印。

邑志載唐華泉會  
唐書列鼎丹

華遠安然改  
非華泉也。王諤侈談兵。  
鬼谷子洞在縣西相傳卽王諤談兵之地。地控三

巴遠天圍萬砦平年來鋒鏑靖當聽誦絃聲。

入境投荒寺。單車趁夕曛。一龕懸木石。半嶺喻風雲。縣  
僻游民少。村閒賽社勤。山農無沃土。須報長官聞。

庖分爨火

前官眷屬未徙  
齋同故偏仄

講學闢蒿萊。且喜無畱牘賓

僚緩緩來

選友人盛松舟李諤人避  
芳田及蔣少府皆不至

壁障雲屯處。民辱士氣驕。怒雷驅牧馬。快雪壓盤雕。聚

米移營近

遠安扼楚蜀咽喉爲嚴險川武之地戊兵四百餘丁游擊道之歲賀穀於民以資兵食

勞薪入市迷如何紓力役先要採風謡

儒冠采草笠賓館帶茆茨策杖巡鄉易推篷上水遲種  
是官荷插磨墨吏求詩雅稱催科拙蒲鞭早倦施

寒泉羅漢峪苦竹法和菴游屐何人到囊琴許我探裝  
輕攜木皂飯熟就伽藍偏歷幽奇境尋山不厭貪

括手黃柑熟抽牙白菜鮮

城中多隙地爲果園蔬圃  
改白菜黃柑甲於他處

山

雞張

武綱溪獵趁漁船

深魚肥居人  
每飼獵以取之

女乏當牕織農

爭負郭山汎漳原楚望懷古湖長川

國三千里風塵聚一堂傳家守清白入室話蒼黃

言  
緝

同至  
起霞新債書馮券殘詩積宦囊荒園能寓篤應兜

雁書將

詞窮農漁書來憫余貧病恐久滯於此

鳴鳳山去郭西數里巖谷幽險暇日登之

羣山繞縣城閉門飽我目出城山轉遙入山溪愈曲委  
蛇歷坡陀人如鮎上竹懸崖夾洞門山勢甘就束龕荒  
繡古苔一燈照寒綠蝙蝠如車輪張翅向人撲若非轉  
羊腸幾欲陷魚腹凌空架石梁惜哉無飛瀑碧虛禮元  
君傑閣何年築頗聞鳳凰鳴有聲協嶰谷如何吏隱流  
山名從此屬周侯徙城隍安君力修復懷古意蒼茫道  
人不余告僻陽下翠微隔林見輿僕歸來早放衙還夢

西山麓

見系堂集  
迎春詞四首

曉日曉靄出郭遙綵旛五色隔林招如何昨夜山中雪化作彤雲馬首飄

松毛棚廠綺筵開鼻到黃童故事來堪笑使君空袖手看人躡足上春基置童子於几上而行謂之故事

土牛角黃米價低鼓簫前導人扶犁竹鞭聲響穀如雨老農拍手秧苗齊

竟陵回首歲華更大地春光往日迎陵於今又三年矣只有東風無遠近依然送暖到山城

羅漢峰

長三十里壑有泉高八千丈洞有天巉巉之石巖兩邊  
中央乃有驪龍淵怪篠絡石石倒懸大石小石落馬前  
石根齒齒蹄血濺上峪下峪蛭脚緣入峪出峪魚腸穿  
行人接踵愁拍肩側身欲退不得旋是何尊者眉厖然  
舉手招我山之巔山靈雖怒我佛憐我當趺坐安枯禪

回馬坡

虎岡龍爭日風雲特地收三分鼎折足千里馬回頭汗  
血山花染蹏霜石蘇浮江東羣鼠伏何敢望驛驔

苦竹坡

匏有苦葉竹有苦節竹心空空苦不自屑

一解茶苦尚

茹竹苦莫降  
匪竹之苦維石之枯厥土不腴

二解上坡

竹黃下坡  
竹根苦見短竹枝苦見長

三解

由魚鱗溪入山巖  
壑險絕作詩寄內四首

羣山莽莽氣如虹  
中有溪光一鏡空  
三十六鱗無覓處

傳箋那得鯉魚風

郎官頭白病添愁  
千里江天每共游  
此日登臨不攜手  
一筇扶我上山樓

繞城百里徧雄山  
到此山高石更禎  
家有春山枉拋却  
却從天際詛煙鬟

版屋人家枳棘籬  
竹兜小憇雪消時  
無聊寫出蒼茫意

想到紅窓曉夢遲

小除前一夕止宿山家二首

破屋扉雙版巉岩磴一層近山猿擲石汲水犧懸燈皂  
隸昇輿健黃童執爨能皆分頻翦燭隣壁笑言增  
農勤娛晚歲村僻認新官穀價關心問桃符轉眼看鄉  
風雖近野山氣不知寒早切歸耕願何妨易地觀

白土坪

坪小偶成而山低如避人居然見平楚從此接通津燈  
聚魚喧夜缸浮酒釀春傍城三十里喜看麥苗新

高安除夕飲賓僚於可耐軒中二首

滿堂風雪飲屠蘇小集山中德不孤難下借臺徵往事  
尚從宦海問前途草書急就題新帖花樣更番換舊符  
料得江城喧爆竹兩行紅燭盼雙鳴

緘到銅章恰一旬案頭塵埽暫抽身寒舖自擁貪留客  
熱竈爭求暖媚神邀免臺衆公府遠敢忘興論宰官貧  
祿袍却負高朋意松舟謂余裘敝解衣易之故云祇贍朝衫坐嚮晨

松舟以所畫廉石圖見贈

畫竹不見心畫蘭不見骨不如畫石三面分面面生皴  
勢突兀我交松舟金石求松舟爲我水石投有時五嶽  
起方寸九華能入壺中收酒酣大拂米巔袖一筆全兼

纏瘦透要從腕底出煙雲先向胸中滌塵垢高安山高  
石頗奇玲瓏倒掛枯藤枝鞭之不走鐵鋤研我欲歸裝  
載邱壑松舟不許石上船謂余何用取一拳與其載石  
傷君廉何如畫石送君旋我本生平無此癖得而棄之  
不足惜君今爲我貌此石贈言奚啻雙白璧此石圭稜  
本未除何曾有意表廉隅從來實地生根脚那肯低頭  
戴土砠此心匪石不可轉此畫匪席不可卷

乞陸蔭堂盆竹二首

胸中千畝頗難求碧盎分貽到案頭好與此君虛此席  
研池同寫一叢秋

禪榻吹簫入夜分竹枝低倡罷香熏陰堂侍史有僧意故嘲之如何  
玉筍殷勤護肯許隣家割紫雲竹色純紫

鬼谷洞去青溪十里雲夢山中相傳爲鬼谷子  
講易處也志謂郭璞詩中青溪千餘仞中有  
一道士卽其地也

老莊之外有先生枉被人傳道士名大澤龍蛇騰卦氣  
空山雷雨和經聲一燈照壁心神歛六國飛符口舌爭  
可惜過門諸弟子誤將奇耦認縱橫

松舟將赴金陵招同趙芳田李謁人飲餞可耐

試向山陰道上行時賢爭識孝章名君能苦口爲蘭友  
我已甘心拜石兄松舟嘗爲余畫蘭石縞綺贈投先季札風塵傾  
想到韓荊荆南李郡伯方欲邀致而松舟已先應吳太守之招營門柳細愁難折

空遣匆匆唱渭城

尊間北海倚南樓聽雨巴山夢舊游鴻雪不隨仙客去  
頻行  
雪霽  
鶴糧翻與主人留陳蕃榻僅懸三月黃憲車應歷  
九州差喜河汾有高弟謂吳太守之招營門柳細愁難折  
雲崖慰余獨處盼牽牛

青溪寺

行到青溪溪幾重隔溪纔打午時鐘風窓四面難招鷁  
雪磽千層尚掛龍寺側有龍女洞水從山腰  
徒至澗底合流環繞寺門醉倒花王

歌石臥

牡丹  
正開

書成草聖借苔封

斷碑模糊惟旭字隱約可辨然改邑志並無弘

草碑

禪心道味都虛寂我自張琴和古松

隣牆紅杏着花二首

種桃種李荷鋤忙紅杏何曾種洛陽不信白頭潘令尹

春風還夢馬蹄香

腸斷江南燕子時樓臺十里捲簾遲山城莫笑春光淺

寫出牆頭雨一枝

止園雜憶詩二十首

有序

江皋流寓吾弟崑漁葺隣園以止余名之曰

寓窩園余卽以止園自號高安地僻山深弗

克攜家到此乃留孥園中五閱月矣每當放  
衙人散官舍蕭然展卷挑燈不禁有陸氏荒  
莊之感因憶所及系以小詩

止園園小傍花堤花外人來路轉迷門向萬花深處掩  
花風不放過湖西

蟬吟鷗夢水邊樓館舍幽曠題曰鷗夢蟬吟之館三面湖光一面收尚

有好山招不到濕雲寫影上牆頭

因西爲大別山

絲柳千行罨畫船煙波畫船爲皮書之處載書應笑米生顛全家

同泛煙波宅忘却江深五月天

春江水漲入籬牆垂釣依然踞竹床雨笠煙蓑儘拋却

要從平地濯滄浪

繞隄士女踏香塵  
刻意尋春不見春  
奈風前雙玉樹

出牆偏要看游人

王闌兩株高出樓角  
游人過門多憇足焉

滿園蝴蝶百花朝  
小試春衫倚玉簫  
莫向絳桃低處坐

一闌紅雨暗生潮

居然霧閣拓雲屏  
紅日當窗夢未醒  
水鳥飛來呼不起

隔牆搖動護花鈴

半角亭臺枕石斜  
四圍晴雪撲窗紗

亭名晴雪與不知  
晴川閣相對

白藕全開放粉本摹成鏡面花

湖中白蓮甲於他處沿  
隄居人以種蓮爲業

梧桐百尺竹三竿  
夜雨空階倦倚欄  
要與西風爭氣憊

芙蓉張幄不知寒

荔支風味蕙蘭心料理殘書與古琴  
翻怪吟詩何太苦夜涼移燭照花陰

益山雨過亦生雲徑寸游魚漾水紋上有此松難束縛  
小聚墨竹帶泥分

淘槐釀桂友坡公

東坡謫嶺南與吾家惠守器之先生食槐葉冷酒酌桂酒賦詩園中齋廄

蕭索因以淘槐釀桂名之種菜還餘地數弓籬豆花時多蟋蟀夜堂苦與和秋風

歸雅點點去寒山坐聽鐘沉不閉關種到芭蕉還翦却  
好看燈火出橋灣

寒塘楓老葉無聲  
冰凍難消一鏡平  
酒市收旗漁掛網  
家家蘆雪打簾旌

百和香熏麝一丸  
山房煙埽瓦篝寒  
比來墨尚磨人否

惱我壺中汁已乾

小煙波縛水澄如鏡清之不滓取以泥煙造墨頗合古法故隄上多墨莊

信手塗鴉費紙多  
漢皋紙價洛陽過  
溪藤付與兒童研

不向松陵乞衍波

錢夫爲華亭學博嘗以所製小澑波箋分給迨余官楚中而錢夫亦泊游

江淮此紙不可得矣漢皋紙貴日取市中廳旁之紙令童子於園中石上椎之

寓鶴何曾載鶴來  
空勞畫手點莓苔

客有爲余作寫園者

年年

撒徧江城遂吹落

梅花補種梅園中無梅余特補之

阿弟臨池我不如  
印門偏索阿兄書  
吾書近已頽唐甚

尚說矜張習未除

余固不工書繁書者疎不多少周密  
好露其角時襲其筆意客不知也

崑湊書之弟書遠過于余乃以余書

擬付兒曹筆一枝家人爭笑阿耶痴癡兒五歲癡尤甚

午夜喃喃學誦詩

山城夜氣一燈昏宦味蕭然孰與論辜負園名何日止  
任他風雨掩蓬門

種櫻桃一株著花頗妍二首

花前人老簪華顛種下櫻桃意惘然顧影怕沾脂粉氣  
折枝偷寫雨晴天卿如解語先開口我不探春看比肩  
記否下階曾握手淡紅低壓鬢雲偏

絳蠟微熏酒淺澆舞衫新試百花朝化爲紅豆愁他日  
嫁到朱門憶昨宵一片熱腸空宛轉三分春色恰苗條  
凭他苑烏偷嚮去依舊枝頭雪未消

鹿苑寺

鹿車不可招鹿門尚可踐入山尋鹿溪隔溪見鹿苑溪  
山歷幾重山深溪九轉招提晝閉關燒艾還煮餅遐哉  
陸法和曾此遁軒冕苦竹與怪松避人尚未遠如何了  
機禪三年蠶脫繭試問山中僧無言指苔蘚一嘯下寒

崖山雲自舒卷

蠶叢

山田種桑無隙土山家養蠶無環堵當門四面不蔽風  
矮檐一角僅遮雨繚以松枝與竹竿翦除棘刺刈其楚  
兩頭束縛枯藤纏山花山草從中補如披蓑莽張鳥羅  
非泛叢葦施魚罟三眠初起蠶入叢蠶在叢中同穴處  
居然晝暖比房櫳紙閣蘆簾渺何許未施經緯空纏綿  
雖臥蒿萊亦險阻入山不覺出山難下山始知上山苦  
山中婦子相護持多蓄狸奴撲鼯鼠生怕蠶心要出叢  
日祀馬頭擊田鼓山雲吹散山日晴叢亦如蠶春意吐  
纍纍繭子大於丸摘向枝頭覓薪煮繭車響處絲如抽  
百里春山歌自苧今年絲熟販客多河洛人到選錢數

蠶叢歷盡蠶不知付與當箇運機杼那得蠶叢化蝶巢任爾翩然夢詡詡

課桑

環山百里餘其土本非沃稻田旣無多桑田更不足田家同養蠶盼到蠶絲熟豈知桑葉稀飼之苦難繕采采不盈筐三眠爭一掬昂頭勢就僵終日抱蠶哭妄想竊諸隣不免陷於獄菽麥盜耕田於律義當撲汝田旣築塽汝屋亦枕龍何不徧栽桑乃攘他人蓄所采非一株所種非一木計數課桑條罰使種桑贖嬪婦與惰農聞言頗敵触他年桑遠揚比隣無犬嘯吾當憇桑陰來看

鷄果腹

彝陵總戎招游三游洞

將軍有奇思，暇日恣探幽。  
西山古石洞，心知境殊尤。  
寥廓莽中路，絕不可求下。  
令選健夫斬刈尋，所由詰朝  
整輿馬涉水還。登邱稍近復無路，溯江盪扁舟。  
舟從石罅纜足向雲根，投旣蓋子尋嶺載。  
臨百丈湫路轉得洞門，氣暗風颶颶。  
玲瓏竄鳥鼠，屈曲緣蛟蚪。光從足底生，  
悚如下危樓。巨石廣數武，前崖瞰奔流。  
石乳立爲柱，煙蘿結爲嶠。天鐘與地鼓，擊之聲相伴。  
其時日迤西斜陽，照觥籌吹竹調絲絃。  
巴童發清謳，鳴鹿似遙和。啼猿亦

忘愁酒酣賦新詩疾書免頽道不知無始來山是何人  
搜元白遂命名蘇黃繼淹畱緬彼數公後名蹟空悠悠  
壯哉嗣芳躅勝事爭前休一破萬古寂誰能效茲游

錢武肅王鐵券歌用宋文憲韻

李唐之季傾宏基羣盜滿眼驅與貌磨牙擇肉競鋗利  
弱者先斃強者隨中原五代更八姓嗟此黔首奚恩施  
十國瓜分各竊據爭城爭地時盈虧南唐西蜀一黑子  
峩峩黃屋開彤墀廬陵作史劇歎息衰世典籍慵繙披  
就中吳越頗足述承承四葉光裘箕百年保障十三郡  
雖有裨政無大疵天道福善理不爽厥後接跡腰銀螭

一片鐵瓦亦怪偉鼎出泗水堪存疑淳化元豐及洪武  
三登玉殿覲袞衰衣共文三百四十字黃金嵌畫縈鬚鬚  
詰辭莊重字古雅儼對彝器神爲怡當時霸業壓牛斗  
酣歌驅馬行璠巵宏乎昌乎爾狂獵婆留祝爾如捕狸  
用號功臣樹衣錦祥雲五色原非欺金牛湖上占王氣  
納土早識香孩兒數腰城壘却悍敵智有晏嬰勇虎癡  
萬弩臨江潮水退鐵幢鎊海鴻名垂券是乾寧二年錫  
劍爵都王宦台司天冊棟宇久荒草鬼神呵護仍無危  
表忠世系有譜牒萬民利賴咸能知金陵定鼎倣遺式  
文孫負至秦淮庶青蘿太史奮巨筆作詩逸氣雲霞飛

我朝太守鮑明遠拂拭鴻寶欽元龜鑄梁嗣載木末  
燦爛龍藻輝山陂因思漢世重竇氏無非天命識所歸  
錢氏後先濟其美不勞血刃功詎微至人錢塘甲宇內  
殷繁都會稱通遠忠懿鑄塔本瑣事尙傳奔禧銅花肥  
不然鐵券等閒耳叛將亦得邀廷閣懷光行瑜明可暗  
朝賜冊拜暮因繫功如李郭券何在簪紱未得到齊衰  
獨雷武肅姓字永蟠龍曲曲言如絲旂常竹帛遜汝壽  
幾闔烏兔東西馳偶見其物長太息猶覺晚<sub>至</sub>含餘威  
試問臨安之山有石鏡曷勿爲作磨崖碑

爲人題大榜圖

大椿歲八千幾人見榮落樗散葆其真亦能遠斧斲良  
材不終老天地豈長託爾惟得天全根本日磅礴將接  
若木陰盤盤蔭元鵠

爲人題囊乘執拂圖

展畫見君面領蓋見君心幽坡石上月疎竹雲間林蕭  
然能遠俗屬意良亦深執拂獨危坐如將發高吟囊乘  
而不彈未必無賞音